

PODACI O SASTANKU - OC O 5.5.3

CILJ: III sjednica Privrednog savjeta Općine Centar Sarajevo
Uvod
Usvajanje novih članova Privrednog Savjeta
Prezentacija Općinskih aktivnosti u svrhu poboljšanja poslovnog okruženja, te prezentacija investicionih mogućnosti
Osvrt na izradu plana rada PSa za 2017.godine i prijedlog mjera za financiranje iz budžet općine Centar Sarajevo.
Ostala pitanja

UČESNICI: U prilogu tekstu

MJESTO: Sarajevo, zgrada Unitic-a, prostorije Microsoft BiH

DATUM: 29.11.2016. godine

VRIJEME: 12,00 sati

DUŽINA: 105 minuta

DATUM
29.11.2016. godine

SAZIVAČ SASTANKA
Općina Centar uz podršku
Grupacije Svjetske banke

ZABILJEŠKE: Sastanak je otvorio i uputio dobrodošlicu prisutnim Direktor Microsoft BiH Krivošija Omar, te je ukratko opisao djelovanje firme Microsoft i trenutne i buduće projekte.

Na samom početku formalnog dijela sastanka, na prijedlog načelnika Ajnadžića u sastav Privrednog savjeta ušli su: Tarik Kurbegović predstavnik SASE, Admir Kešo predstavnik Bosnalijeka, Štukan Mustafa predstavnik PUBLICUM d.o.o., Efendić Irma predstavnik Udruženja Motivator, Prcić Denis predstavnik Američkog Univerziteta u BiH, Dervanović Haris predstavnik T.C. Bašćaršija group i Muharemović Meho predstavnik poljoprivrednika u općini Centar.

Nakon toga, načelnik i predsjedavajući Privrednog savjeta Prof.dr. Nedžad Ajnadžić prisutnim ukratko obrazložio aktivnosti Općine Centar u stvaranju boljeg poslovnog okruženja. U okviru te tačke, načelnik Ajnadžić je najavio formiranje linije za podršku zapošljavanju, prema kojem će u budžetu općine Centar za 2017. Godinu biti izdvojeno 200.000 KM u svrhu podsticanja zapošljavanja nezaposlenih sa područja Općine Centar Sarajevo. S tim u vezi je otvorena rasprava, a članovi Privrednog savjeta su dali konkretne i konstruktivne prijedloge koji su uvaženi i koji će biti primjenjeni prilikom operacionalizacije ove podsticajne mjere.

U drugom dijelu sastanka, predstavljeni su investicijski projekti i prilike za investiranje na području Općine Centar Sarajevo. Nakon prezentacije investicijskih prilika, ulijedila je diskusija učesnika. Postavljeno je pitanje Javno-Privatnog partnerstva. Koordinator za investitore Ministarstva Privrede gđa Pazalja Enesa uputila je članove PS-a da je u toku rješavanje zakonske regulative JPP, te se zaključilo da će gđa Pazalja za naredni sastanak PS-a pripremiti dokumentaciju i pojasniti nejasnoće u vezi sa pomenutim zakonom.

Nakon toga je gđa Efendić Irma iz Udruženja Motivator prezentovala projekat, u suradnji sa Općinom Centar Sarajevo, u svrhu formiranja „Centra Izvrsnosti“, koji bi služio kao centar za obuku i pružanje potrebnih informacija mladim nezaposlenim, te biznis inkubator Općine Centar Sarajevo. Zaključeno je da će na narednoj sjednici Privrednog Savjeta udruženje prezentirati kompletan projekat.

Potom je ponuđeno članovima Privrednog Savjeta da daju prijedloge i inicijative u vezi s planom rada ovog tijela za 2017.godine, te eventualne prijedloge/projekte za izmjenu budžeta Općine Centar Sarajevo. Obzirom da članovi nisu imali pripremljenu dokumentaciju na ovu temu donesen je zaključak da se pismenom korespondencijom da mogućnost članovima Savjeta da eventualnim sugestijama i inicijativama utiču na izradu plana rada PS-a u 2017. godini.

Gospodin Vištica Bruno iz Ministarstva privrede KS je prezentovao kreditne linije Kantona, te se Savjetu obratio Muharemović Meho predstavnik poljoprivrednika te sugerisao da Općina Centar treba povećati komunikaciju između poljoprivrednika kako bi bili upućeniji o stanju na terenu te povećati brigu o poljoprivrednicima na Centru.

Sastanak je završen obilaskom novih prostorija Microsoft BiH.